



ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ
ՇԻՐԱԿԻ ՄԱՐԶԻ ՄԱՐՄԱՇԵՆ ՀԱՄԱՅՆՔԻ ԱՎԱԳԱՆԻ

ՈՐՈՇՈՒՄ ԹԻՎ 41

«13» ապրիլի 2021 թվական

գյուղ Մայիսյան

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ՇԻՐԱԿԻ ՄԱՐԶԻ ՄԱՐՄԱՇԵՆ ՀԱՄԱՅՆՔԻ
ԱՎԱԳԱՆՈՒ 2019 ԹՎԱԿԱՆԻ ԱՊՐԻԼԻ 17-Ի ԹԻՎ 24 ՈՐՈՇՄԱՄԲ ՀԱՍՏԱՏՎԱԾ
ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ՇԻՐԱԿԻ ՄԱՐԶԻ ՄԱՐՄԱՇԵՆ ՀԱՄԱՅՆՔԻ
ՍԵՓԱԿԱՆՈՒԹՅՈՒՆԸ ՀԱՆԴԻՍԱՑՈՂ, ԱՃՈՒՐԴՆԵՐԻ ԱՐԴՅՈՒՆՔՈՒՄ
ՉՕՏԱՐՎԱԾ ՄԱՐԴԱՏԱՐ ԱՎՏՈՄԵՔԵՆԱՆԵՐԻ ՄԵԿՆԱՐԿԱՅԻՆ ԳՆԵՐԸ
ՓՈՓՈԽԵԼՈՒ ԵՎ ՀԱՍՏԱՏԵԼՈՒ ՄԱՍԻՆ

Ղեկավարվելով «Տեղական ինքնակառավարման մասին» Հայաստանի Հանրապետության օրենքի 18-րդ հոդվածի 1-ին մասի 21-րդ կետի, «Հրապարակային սակարկությունների մասին» Հայաստանի Հանրապետության օրենքի 2-րդ, 5-րդ, 8-րդ և 15-րդ հոդվածների դրույթներով, Հայաստանի Հանրապետության Շիրակի մարզի Մարմաշեն համայնքի ավագանին **ո Ր Ո Շ Ո Ւ Մ Է՝**

1. Հաշվի առնելով, որ Հայաստանի Հանրապետության Շիրակի մարզի Մարմաշեն համայնքի ավագանու 2019 թվականի ապրիլի 17-ի թիվ 24 որոշմամբ հաստատված մարդատար ավտոմեքենաները երկու անգամ աճուրդով չեն օտարվել գնորդի բացակայության պատճառով, համայնքի ղեկավարի առաջարկությամբ աճուրդ չկայացած մարդատար ավտոմեքենաների մեկնարկային գները փոփոխել, օտարել աճուրդով՝ համաձայն թիվ հավելված

2. Հաստատել աճուրդի կանոնակարգը, աճուրդի մասին հրապարակային ծանուցման հայտարարության տեքստը, մարդատար ավտոմեքենաների աճուրդով օտարելու, օտարման մեկնարկային գինը ու պայմանները համաձայն թիվ հավելվածի:

4. Աճուրդը կազմակերպելու նպատակով՝

ա) ստեղծել աճուրդային հանձնաժողով հետևյալ անհատական կազմով՝
հանձնաժողովի նախագահ՝ Կարեն Արշակյան – համայնքի ղեկավար,
հանձնաժողովի անդամներ՝

Հովիկ Մելքոնյան – համայնքի ղեկավարի խորհրդական,

Մամեդ Սալոյան – համայնքապետարանի աշխատակազմի աշխատակից

Արտյոմ Զաքարյան – համայնքի ավագանու անդամ








Համլետ Գևորգյան-համայնքի ավագանու անդամ

բ) աճուրդավար նշանակել հանձնաժողովի անդամ, համայնքի ղեկավարի խորհրդական՝ Հովիկ Մելքոնյան, արձանագրող՝ հանձնաժողովի անդամ, համայնքապետարանի աշխատակազմի աշխատակից՝ Մամեդ Սալոյանին:

5.«Հրապարակային սակարկությունների մասին» Հայաստանի Հանրապետության օրենքի 2-րդ հոդվածի 5-րդ մասի համաձայն հանձնաժողովին վերապահել հրապարակային սակարկություն կազմակերպելու լիազորություն (աճուրդի կազմակերպիչ):

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ՇԻՐԱԿԻ

ՄԱՐԶԻ ՄԱՐՄԱՇԵՆ ՀԱՄԱՅՆՔԻ ԱՎԱԳԱՆՈՒ ԱՆԴԱՄՆԵՐ՝

	Կողմ՝	Դեմ՝	Ձեռնպահ՝
Հ. ԳԵՎՈՐԳՅԱՆ՝			
Ա. ԶԱՔԱՐՅԱՆ՝			
Ս. ԽԱՉԱՏՐՅԱՆ՝			
Լ. ՀՈՎՍԵԹՅԱՆ՝			
Գ. ՄԿՐՏՅԱՆ՝			
Կ. ՂԱՆԴԻԼՅԱՆ՝			
Զ. ՂԱՖԱՐՅԱՆ՝			

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ՇԻՐԱԿԻ ՄԱՐԶԻ

ՄԱՐՄԱՇԵՆ ՀԱՄԱՅՆՔԻ ՂԵԿԱՎԱՐ՝

Կ. ԱՐՇԱԿՅԱՆ



«13» ապրիլի 2021 թվական
գյուղ Մայիսյան

ՀԱՎԵԼՎԱԾ ԹԻՎ
Հայաստանի Հանրապետության Շիրակի
մարզի Մարմաշեն համայնքի ավագանու
2021 թվականի ապրիլի 13-ի թիվ 41 որոշման

ԿԱՆՈՆԱԿԱՐԳ

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ՇԻՐԱԿԻ ՄԱՐԶԻ ՄՐՄԱՇԵՆ ՀԱՄԱՅՆՔԻ
ՍԵՓԱԿԱՆՈՒԹՅՈՒՆԸ ՀԱՆԴԻՍԱՑՈՂ ՄԱՐԴԱՏԱՐ ԱՎՏՈՄԵՔԵՆԱՆԵՐԸ ԱՃՈՒՐՈՎ
ՕՏԱՐՄԱՆ ԱՃՈՒՐՈՒՄՅԻՆ ՀԱՆՁՆԱԺՈՂՈՎԻ (ԱՃՈՒՐՈՒԻ ԿԱԶՄԱԿԵՐՊԻՉ)

ԳՈՐԾՈՒՆԵՈՒԹՅԱՆ

I. ԸՆԴՀԱՆՈՒՐ ԴՐՈՒՅԹՆԵՐ

1. Սույն կանոնակարգով սահմանվում է Հայաստանի Հանրապետության Շիրակի մարզի Մարմաշեն համայնքի սեփականությունը հանդիսացող մարդատար ավտոմեքենաների (հետագայում՝ գույք) աճուրդի միջոցով օտարման աճուրդային հանձնաժողովի գործունեության կանոնները:

2. Աճուրդի կազմակերպիչ է հանդիսանում Հայաստանի Հանրապետության Շիրակի մարզի Մարմաշեն համայնքի տեղական ինքնակառավարման մարմինները՝ ի դեմս համայնքի ավագանու 2021 թվականի ապրիլի -ի <<Հայաստանի Հանրապետության Շիրակի մարզի Մարմաշեն համայնքի ավագանու 2019 թվականի ապրիլի 17-ի թիվ 24 որոշմամբ հաստատված Հայաստանի Հանրապետության Շիրակի մարզի Մարմաշեն համայնքի սեփականությունը հանդիսացող, աճուրդների արդյունքում չօտարված ավտոմեքենաների մեկնարկային գներն փոփոխելու և հաստատելու մասին>> թիվ որոշմամբ ստեղծված աճուրդային հանձնաժողովը՝ հետևյալ անհատական կազմով՝

հանձնաժողովի նախագահ՝ Կարեն Արշակյան- համայնքի ղեկավար,

հանձնաժողովի անդամներ՝

Հովիկ Մելքոնյան - համայնքի ղեկավարի խորհրդական,

Մամեդ Սալոյան- համայնքապետարանի աշխատակազմի աշխատակից

Արտյոմ Զաքարյան - համայնքի ավագանու անդամ,

Համլետ Գևորգյան- համայնքի ավագանու անդամ:

3. Հանձնաժողովը ղեկավարվում է <<Հրապարակային սակարկությունների մասին>>, <<Տեղական ինքնակառավարման մասին>> Հայաստանի Հանրապետության օրենքներով, Հայաստանի Հանրապետության Շիրակի մարզի Մարմաշեն համայնքի ավագանու 2021 թվականի ապրիլի -ի <<Հայաստանի Հանրապետության Շիրակի մարզի Մարմաշեն համայնքի ավագանու 2019 թվականի ապրիլի 17-ի թիվ 24 որոշմամբ հաստատված Հայաստանի

Հանրապետության Շիրակի մարզի Մարմաշեն համայնքի սեփականությունը հանդիսացող, աճուրդների արդյունքում չօտարված ավտոմեքենաների մեկնարկային գներն փոփոխելու և հաստատելու մասին>> թիվ որոշմամբ, սույն կանոնակարգով և այլ իրավական ակտերով:

II. ԱՃՈՒՐԴԻ ՆԱԽԱՊԱՏՐԱՍՏՄԱՆ ԵՎ ԱՆՑԿԱՅՄԱՆ ՊԱՅՄԱՆՆԵՐԸ

4.Աճուրդը անցկացնել սակարկությունների ձևով, որի ընթացքում հաղթող ճանաչել այն մասնակցին, որն աճուրդի դրված գույքի համար առաջարկել է առավելագույն բարձր գին:

5.Աճուրդը անցկացնել 2021 թվականի -ին ժամը 11-00-ին, Հայաստանի Հանրապետության Շիրակի մարզի Մայիսյան գյուղում՝ համայնքապետարանի շենքում (Հասցե՝ գյուղ Մայիսյան 1-ին փող. շենք 29):

6.Աճուրդի մասին հրապարակային ծանուցումը հրապարակվում է նվազագույնը 2000 տպաքանակ ունեցող մամուլում և (կամ) <http://www.azdarar.am> հասցեում գտնվող Հայաստանի Հանրապետության հրապարակային ծանուցումների պաշտոնական ինտերնետային կայքում՝ աճուրդի կայացման օրվանից առնվազն 30 օր առաջ:

7.Աճուրդի հրապարակային ծանուցման մասին հայտարարությունը աճուրդի անցկացման վայրում և համայնքի մարդաշատ այլ վայրերում տեղադրվում է աճուրդի կայացման օրվանից առնվազն 15 օր առաջ: Աճուրդի մասին հրապարակային ծանուցումը՝ աճուրդի կայացման օրվանից առնվազն մեկ օր առաջ տեղադրվում է աճուրդի կայացման վայրում:

8.Հրապարակային սակարկությունների մասնակից կարող են հանդիսանալ ֆիզիկական և իրավաբանական անձինք, ինչպես նաև համայնքները:

9.Հրապարակային սակարկություններին չեն կարող մասնակցել՝

1)աճուրդային հանձնաժողովի անդամները (աճուրդի կազմակերպիչ),

2)համայնքի ավագանու անդամները,

3)աճուրդավարի երեխաները, ծնողները, ամուսինը, տատը, պապը, եղբայրները և քույրերը, ինչպես նաև աճուրդավարի ամուսնու ծնողները, տատը, պապը, եղբայրները և քույրերը:

10.Աճուրդի մասնակցության վճարի չափը սահմանված է 2000 (երկու հազար) Հայաստանի Հանրապետության դրամ:

11.Աճուրդին կարող են ներկա գտնվել աճուրդի մասնակից չհամարվող այլ անձինք (հետազայում դիտորդ), ովքեր վճարել են մուտքի տոմսի վճարը:

12.Դիտորդների համար մուտքի տոմսի վճարի չափը սահմանվում է 1000 (մեկ հազար) Հայաստանի Հանրապետության դրամ:

13.Աճուրդի մասնակիցները և Դիտորդները, աճուրդի դափնիում զբաղեցնում են առանձին տեղեր:

14.Աճուրդի մասնակիցները և Դիտորդները պարտավոր են չխոչընդոտել աճուրդի անցկացմանը և հետևել հետևյալ կանոններին՝

1)չհայտնել իրենց դժգոհությունը որևէ մասնակցի, մասնակից չհամարվող անձի, աճուրդային հանձնաժողովի կամ աճուրդավարի նկատմամբ,

2)չխոսել աճուրդի ընթացքում, բացառությամբ սույն պայմաններով սահմանված դեպքերի,

3)հարցադրումներ ուղղել աճուրդային հանձնաժողովի նախագահին լոտի աճուրդը սկսվելուց առաջ կամ հետո, իսկ լոտի աճուրդի ընթացքում միայն աճուրդավարի թույլտվությամբ,

4) աճուրդի ընթացքում դուրս չգալ դահլիճից կամ չվերադառնալ դահլիճ,

5) չթաքցնել աճուրդավարի կամ նրա ամուսնու ազգական լինելու հանգամանքը:

15.Աճուրդի դրված գույքի մեկնարկային գինը հաստատված է Հայաստանի Հանրապետության Շիրակի մարզի Մարմաշեն համայնքի ավագանու 2021 թվականի ապրիլի 1-ի <<Հայաստանի Հանրապետության Շիրակի մարզի Մարմաշեն համայնքի ավագանու 2019 թվականի ապրիլի 17-ի թիվ 24 որոշմամբ հաստատված Հայաստանի Հանրապետության Շիրակի մարզի Մարմաշեն համայնքի սեփականությունը հանդիսացող, աճուրդների արդյունքում չօտարված ավտոմեքենաների մեկնարկային գներն փոփոխելու և հաստատելու մասին>> թիվ որոշմամբ, համաձայն թիվ 1 հավելվածի՝ աճուրդի դրված գույքի մեկնարկային գների համար սահմանված որոշման հիմք է հանդիսացել մարդատար ավտոմեքենաները:

16.Աճուրդի մասնակցի համար գնային առաջարկի նվազագույն հավելման չափը սահմանվում է մեկնարկային գնի 5 տոկոսի չափով:

17.Աճուրդի նախավճարի չափը սահմանվում է մեկնարկային գնի 5 տոկոսի չափով, գումարով,որի վճարումից հետո աճուրդի մասնակցին տրամադրվում է <<Աճուրդի մասնակցի վկայական>>:

18.Աճուրդի կանխավճարը և մուտքի վճարը վճարվում են աճուրդի կազմակերպչին:

19.Աճուրդում հաղթած է համարվում աճուրդի այն մասնակիցը, ով աճուրդավարի մուրճիկի երրորդ հատվածից հետո ներկայացրել է ամենաբարձր գնային հայտ:

20.Աճուրդի դրված գույքի ՈւՍՈՒՄՆԱՍԻՐՄԱՆ համար ժամկետ է սահմանվում 2021 թվականի -ից մինչև -ը՝ յուրաքանչյուր աշխատանքային օր, ժամը՝ 10:00-ից մինչև 17:00-ն, Հայաստանի Հանրապետության Շիրակի մարզի Մարմաշեն համայնքում:

21.Աճուրդի կանոնակարգին ծանոթացումը և լուսապատճեի տրամադրումը կատարվում է Մարմաշեն համայնքապետարանում՝ 2021 թվականի -ից մինչև 05-ը՝ ժամը 9⁰⁰-ից մինչև 17⁰⁰-ն:

22.Աճուրդը սկսվելուց մեկ ժամ առաջ աճուրդային հանձնաժողովը (աճուրդի կազմակերպիչ) իր նիստում գրանցում է աճուրդի մասնակիցներին՝ ստուգելով նրանց

ինքնությունը, լիազորությունները հաստատող փաստաթղթերը և իր որոշմամբ թույլատրում է մասնակցել աճուրդին:

23. Աճուրդի արդյունքների մասին աճուրդի անցկացնելու օրը կազմվում է արձանագրություն, որն ստորագրում են՝ աճուրդային հանձնաժողովի ներկա անդամները և աճուրդի հաղթող մասնակիցը:

24. Աճուրդում հաղթող ճանաչված մասնակցի հետ արձանագրության ստորագրման պահից նրան են անցնում համապատասխան գույքի վերաբերյալ առք ու վաճառքի մասին պայմանագիր կնքելու իրավունքը:

25. Աճուրդում հաղթող ճանաչված մասնակցի հետ առք ու վաճառքի պայմանագիրը կնքվում է աճուրդի կայացման օրվանից հետո 10-օրյա ժամկետում:

26. Գույքի ամբողջ գնի վճարումը գնորդի կողմից կատարվում է աճուրդի կայացման օրվանից հետո 10-օրյա ժամկետում՝ հաշվանցելով մուծված նախավճարի գումարը:

27. Սահմանված ժամկետներում առք ու վաճառքի պայմանագիրը չկնքելու և /կամ/ գույքի գինը չվճարելու դեպքում վճարված նախավճարը չի վերադարձվում և փոխանցվում է համայնքի բյուջե:

28. Գույքի առք ու վաճառքի նոտարական վավերացման հետ կապված ծախսերը կատարվում են աճուրդում հաղթող ճանաչված մասնակցի կողմից:

29. Աճուրդը կայանալու կամ չկայացած հայտարարվելու պահից մեկ աշխատանքային օրվա ընթացքում աճուրդում չհաղթած մասնակցին վերադարձվում է նախավճարը:

30. Աճուրդի մասնակցության հայտերն ընդունվում են Մարմաշենի համայնքապետարանում՝ աճուրդային հանձնաժողովի կողմից 2019 թվականի մայիսի 10-ից մինչև հունիսի 05-ը ներառյալ՝ յուրաքանչյուր աշխատանքային օր, ժամը՝ 10:00-ից մինչև 17:00-ն:

31. Աճուրդին մասնակցել ցանկացողները ներկայացնում են՝

1) հայտ՝ սահմանված ձևանմուշով,

2) ֆիզիկական անձանց համար՝ անձնագրի պատճեն,

3) իրավաբանական անձանց և համայնքների համար՝ ձեռնարկության հիմնադիր փաստաթղթերի պատճենները և ներկայացուցչի լիազորությունը հաստատող

փաստաթուղթը,

4) նախավճարի մուծման անդորրագիրը:

32. Աճուրդային հանձնաժողովը աճուրդի արդյունքների վերաբերյալ կազմված եզրակացությունը մեկ օրվա ընթացքում ներկայացնում է համայնքի ղեկավարին:

33. Աճուրդում վաճառված գույքի նկատմամբ իրավունքները ենթակա են պետական գրանցման:

34. Աճուրդը համարվում է չկայացած եթե.

- 1) Աճուրդին ներկայացել է միայն մեկ գնորդ կամ չի ներկայացել որևէ գնորդ:
- 2) աճուրդի ընթացքում վաճառվող գույքի նախնական գնի հավելում չի կատարվել:
- 3) աճուրդում հաղթած անձը չի մուծել գնման գինը:

35. Աճուրդը հայտարարվում է չկայացած աճուրդային հանձնաժողովի որոշմամբ՝ ոչ ուշ քան նշված հանգամանքները ի հայտ գալու հաջորդ օրը:

36. Աճուրդը չկայանալու կամ անվավեր ճանաչվելու դեպքում կրկնական աճուրդը կազմակերպում և անցկացնում է չկայացած աճուրդից ոչ ուշ քան 10 օրացուցային օր հետո: Կրկնական աճուրդը կազմակերպում և անցկացնում է աճուրդային հանձնաժողովը՝ սույն կանոնակարգի և /կամ/ համայնքի ավագանու որոշմամբ սահմանված կարգով և պայմաններով:

37. Վերոհիշյալ կանոնների խախտմամբ անցկացված աճուրդը շահագրգիռ անձի հայցով դատարանը կարող է ճանաչել անվավեր: Աճուրդն անվավեր ճանաչելը հանգեցնում է դրանում հաղթած անձի հետ կնքված պայմանագրի անվավերության:

38. Աճուրդի մասնակիցների մասին տեղեկությունները հրապարակման ենթակա չեն:

III. ԱՃՈՒՐԴԱՅԻ ՀԱՆՁՆԱԺՈՂՈՎԻ ԱՇԽԱՏԱՆՔՆԵՐԻ ԿԱԶՄԱԿԵՐՊՈՒՄԸ

39. Աճուրդային հանձնաժողովն իր աշխատանքները կազմակերպում է նիստերի միջոցով:

40. Նիստերն իրավագոր են, եթե դրանց մասնակցում է հանձնաժողովի անդամների սահմանված թվի կեսից ավելին:

41. Հանձնաժողովի որոշումներն ընդունվում են, եթե դրանց օգտին քվեարկել է նիստին մասնակցած հանձնաժողովի անդամների կեսից ավելին:

42. Աճուրդավարը և արձանագրողը հաստատվում են համայնքի ավագանու կամ աճուրդային հանձնաժողովի որոշմամբ:

43. Աճուրդային հանձնաժողովը դադարեցնում է իր լիազորությունները՝ աճուրդը կայացած ճանաչվելու, աճուրդի կայացման մասին արձանագրությունը ստորագրելու և համայնքի ղեկավարին աճուրդի արդյունքների վերաբերյալ համապատասխան եզրակացություն ներկայացնելուց հետո:

ՄԱՐՄԱՇԵՆ ՀԱՄԱՅՆՔԻ ՂԵԿԱՎԱՐ



Կ. ԱՐՇԱԿՅԱՆ

Հայաստանի Հանրապետության Շիրակի
մարզի Մարմաշեն համայնքի ավագանու
2021 թվականի ապրիլի 13-ի թիվ 41 որոշման

ՀԱՅՏԱՐԱՐՈՒԹՅՈՒՆ
Աճուրդի մասին հրապարակային ծանուցման

1. **Աճուրդի անցկացման օրը՝** 2021 թվականի մայիսի -ին, ժամը 11:00-ին:
2. **Աճուրդի կազմակերպիչը՝** ՀՀ Շիրակի մարզի Մարմաշենի համայնքապետարանի աճուրդային հանձնաժողով (աճուրդի կազմակերպիչ):
3. **Աճուրդի անցկացման վայրը /հասցեն/՝** ՀՀ Շիրակի մարզ, գյուղ Մայիսյան 1-ին փող. շենք 29(համայնքապետարանի շենք):
4. **Աճուրդի ձևը և անցկացման կարգը՝** դասական եղանակ՝ մեկնարկային գնի բարձրացմամբ, որի ընթացքում հաղթող է ճանաչվում աճուրդի այն մասնակիցը, որն աճուրդի դրված գույքի համար առաջարկել է առավելագույն բարձր գին:
5. **Աճուրդի դրված գույքի /լոտ/ նկարագրությունը և մեկնարկային գինը՝**

N	Գույքի անվանումը	Գույքի սեփականատերը	Գույքի տեխնիկական տվյալները	Գույքի տեխնիկական վիճակի նկարագրությունը	Գույքի մեկնարկային գինը (ՀՀ դրամ)
1	«ԳԱԶ 3110» մակնիշի ավտոմեքենա	ՀՀ Շիրակի մարզի Մարմաշեն համայնք	Նույնականացման համարը- XTH31100031149151 պետհամարանիշը՝ 559LL70 թողարկման տարեթիվը-2003թ. SU տեսակը- մարդատար թափքի տեսակը- սեղան գույնը-ավանտյուրա /սև/ թափքի համարը- 0547828 վկայագիրը-SG012198	Անսարք վիճակում, շարժիչը խափանված, ընթացքային մասը մաշված, սալոնի ներքին հարդարանքը մաշված, պատառոտված տեղերով: Թափքի մետաղական իրանի վրա կան դեֆորմացված տեղամասեր: Ներքի ծածկույթի վնասված հատվածներ: Բացակայում են լուսարձակները: Անվաղողերը և մարտկոցը ոչ պիտանի: Մեքենայի մետաղական դետալները, շարժիչը, ընթացքային մասը հիմնանորոգման կարիք ունեն: Արտաքին տեսքի ընդհանուր վիճակի գնահատականը՝ վատ, տեխնիկական վիճակի ընդհանուր գնահատականը՝ վատ:	60000 (վաթսուն հազար)
2	«ՎԱԶ 2107» մակնիշի ավտոմեքենա	ՀՀ Շիրակի մարզի Մարմաշեն համայնք	Նույնականացման համարը- XTA21070052166037 պետհամարանիշը՝ 554LL70 թողարկման տարեթիվը-2005թ. SU տեսակը- մարդատար	Անսարք, վթարված ձախ առջևի հատվածով: Մեքենայի վրա առկա են դեֆորմացված հատվածներ, կոռոզիայից քայքայված տեղամասեր, սալոնի ներքին հարդարումը մաշված: Անիվները մաշված, մարտկոցը ոչ պիտանի: Արտաքին տեսքի ընդհանուր վիճակի գնահատականը՝ վատ, տեխնիկական վիճակի ընդհանուր գնահատականը՝ վատ:	125000 (մեկ հարյուր քսանհինգ հազար)

			թափքի տեսակը- սեղան գույնը-սպիտակ թափքի համարը- 2166037 վկայագիրը-SG006797		
3	«ՎԱԶ 21063» մականիշի ավտոմեքենա	ՀՀ Շիրակի մարզի Մարմաշեն համայնք	Նույնականացման համարը- XTA210630H1694199 պետհամարանիշը՝ 557LL70 թողարկման տարեթիվը-1987թ. SU տեսակը- մարդատար թափքի տեսակը- սեղան գույնը-սպիտակ թափքի համարը- 4694199 վկայագիրը-SG010588	Անսարք, մեքենայի վրա առկա են դեֆորմացված հատվածներ, կոռոզիայից քայքայված տեղամասեր, սալոնի ներքին հարդարումը մաշված: Անիվները մաշված, մարտկոցը ոչ պիտանի: Արտաքին տեսքի ընդհանուր վիճակի գնահատականը՝ վատ, տեխնիկական վիճակի ընդհանուր գնահատականը՝ վատ:	60000 (վաթսուն հազար)

6. Աճուրդի պայմանները՝

1) Աճուրդին կարող են մասնակցել ֆիզիկական և իրավաբանական անձինք, ինչպես նաև համայնքները:

2) Աճուրդին մասնակցել ցանկացողները ներկայացնում են՝

- հայտ՝ սահմանված ձևանմուշով,
- ֆիզիկական անձանց համար՝ անձնագրի պատճեն,
- Իրավաբանական անձանց և համայնքների համար՝ ձեռնարկության հիմնադիր փաստաթղթերի պատճենները և ներկայացուցչի լիազորությունը հաստատող փաստաթուղթը,
- աճուրդի մասնակցության տեղական վճարի անդորրագիրը
- նախավճարի մուծման անդորագիրը:

3) Աճուրդի մասնակցության հայտերն ընդունվում են Մարմաշեն համայնքապետարանում՝ աճուրդային հանձնաժողովի կողմից 2021 թվականի մայիսի -ից մինչև -ը ներառյալ՝ յուրաքանչյուր աշխատանքային օր, ժամը՝ 10:00-ից մինչև 17:00-ն: 4) Աճուրդի մասնակցի համար գնային առաջարկի նվազագույն չափը սահմանվում է մեկնարկային գնի 5 տոկոսի չափով:

5) Աճուրդի մասնակցության վճարի չափը սահմանված է 2000 (երկու հազար) ՀՀ դրամ:

6) Աճուրդի մասնակցից չհամարվող անձանց (դիտորդներ) համար մուտքի տոմսի վճարը սահմանվում է 1000 (մեկ հազար) ՀՀ դրամ:

7) Աճուրդում հաղթած է համարվում այն մասնակիցը, ով ներկայացրել է ամենաբարձր գնային հայտ:

8) Աճուրդում հաղթող ճանաչված մասնակցի հետ առք ու վաճառքի պայմանագիրը կնքվում և գույքի ամբողջ գնի վճարումը կատարվում է աճուրդի կայացման օրվանից հետո 10-օրյա ժամկետում:

9) Աճուրդի կանոնակարգին ծանոթացումը և լուսապատճեի տրամադրումը կատարվում է Մարմաշենի համայնքապետարանում 2021 թվականի մայիսի -ից մինչև -ը:

10) Աճուրդի դրված գույքի ուսումնասիրման համար ժամկետներ սահմանվում են 2021 թվականի մայիսի -ից մինչև-ը ժամը 9:00-ից մինչև 17:00-ն ՀՀ Շիրակի մարզի Մարմաշեն համայնքում՝ համայնքապետարանի բակում:

11) Աճուրդը կայանալու կամ չկայացած հայտարարվելու պահից մեկ աշխատանքային օրվա ընթացքում աճուրդում չհաղթած մասնակցին վերադարձվում է նախավճարը:

12) Վճարումները կատարվում են Մարմաշենի համայնքապետարանում՝ աճուրդային հանձնաժողովին (աճուրդի կազմակերպիչ):

ՀՀ Շիրակի մարզի Մարմաշեն համայնքապետարան

ՄԱՐՄԱՇԵՆ ՀԱՄԱՅՆՔԻ ՂԵԿԱՎԱՐ



Կ. ԱՐՇԱԿՅԱՆ

